



Suliamut peqataasumut sinniisoq

Atuisartut Pisisartullu Maalaarutaannik Aalajangiisartut ulloq 20. decembari 2022 North Safari ApS pillugu ernerit sinnerlugu maalaarutit suliaraa imalu aalajangiivoq:

AALAJANGIINEQ

Maalaarutinnut ilalernerqarputit.

North Safari ApS-ip una aalajangiussap tiganeraniit ullut 30-it qaangiutsinnagit 7600 euro-nik ernerit utertitsivigissavaa aammattaq erniaqarnermut inatsisit malillugit 13. oktobari 2021-miit akiliisoqarnissaatalu tungaanut atuuttussamik ernianik tunisussaataallutit.

Aallarniut

Maalaarut ulloq 20. juuli 2022-mi tiguneqarpoq. Maalaarut aavarnermut ulloq 4. juuni 2019-imi pisiarineqarsimasumut tungassuteqarpoq, taannalu aggusti 2020-mi ingerlanneqartussaasimagaluarluni.

Illit piumasaqaateqarputit, tassani ernippit aavarnissamut akiliutigisimasai 7600 euro-nik annertussuseqartut utertinneqassasut.

North Safari ApS-ip piumasaqaatit naammassisimangilaa.

Sinniisutut inissisimagavit, aalajangiussap ingerlateqqinnissaa illit akisussaaffigivat.

Suliamik saqqummiineq

Ulloq 4. juuni 2019 maalaaruteqartoq North Safari Aps-imut aggusti 2020-mi aavarnissamut inniminniivoq (ilanngussaq 3).

Ulloq: 21-12-2022

Suliap normua: 22/00374

Forbruger- og Konkurrencestyrelsen
Atuisartoqarnermut
Unammilleqatigiinnermullu Aqutsisoqarfik
Postboks 689
3900 Nuuk
Oqarasuaat (+299) 32 80 33
E-mail: maalaarut@nanoq.gl
www.aua.gl

Ulloq taanna maalaaruteqartoq 3420 euro-nik North safari ApS-imut inunnut pingasut peqataanissaannut qularnaveeqqusiilluni akiliivoq (ilanngussaq 7).

Ulloq 6. aprili 2020 North Safari ApS maalaaruteqartumut ilisimatitsiivoq, Covid-19 peqqutaalluni piffissaq eqqorlugu pilersaarusiaq ingerlanneqarsinnaajunnaartoq, aavarnissallu 2021-mut nuutsinneqassasoq siunnersuutigineqarluni (ilanngussaq 4).

Ulloq 7. aprili 2020 maalaaruteqartup akueraa, aavarnissaq ukioq 2021-mut nuutsinneqassasoq (ilanngussaq 4).

Maaji 2020-mi North Safari ApS maalaaruteqartumut ilisimatitsiivoq, aavarnissamut akiligassaq kingulleq 7980 euro-nik annertussuseqartoq. North Safari ApS ilisimatitsiivoq, sulii aavarnissaq piffissami pineqartumi imaluunniit septembari - oktobari 2020-mi, pisariaqassappat, ingerlanneqassasoq ilimagineqartoq (ilanngussaq 4).

Ulloq 27. maaji 2020 maalaaruteqartoq akissuteqarpoq, periarfissaappat, pilersaarut malillugu sulii ingerlakkusullugu (ilanngussaq 4).

Ulloq 30. maaji 2020 North Safari ApS erninnut nutaamik ullulinissamik septembari - oktobari 2020-mut imaluunniit aasaq/ukiaq 2021-mut noqqaassuteqarpoq (ilanngussaq 4).

Ulloq taanna maalaaruteqartoq akissuteqarpoq, sapaatit akunnerini tulluuttuni piffissaq siuariartulissanersoq utaqqimaaqqaarusunnerullugu (ilanngussaq 4).

Ulloq 10. juuni 2020 maalaaruteqartup aavarnissap agusti 2020-miit 23.-27. septembari 2020-mut nuutsinneqarnissaa akueraa (ilanngussaq 4)

Ulloq taanna North Safari ApS aavarnissap 23.-27. septembari 2020-mut nuutsinneqarnissaanut akuersivoq (ilanngussaq 4).

Ulloq 12. juuni 2020 maalaaruteqartoq North Safari ApS-imut apeqquteqarpoq, aavarnissamut piffissaritinneqartoq allangortinneqarsinnaanersoq (ilanngussaq 4).

Ulloq 13. juuni 2020 North Safari ApS akuersivoq, aavarnissap 24.-28. septembari 2020-mut nuutsinneqarneranut periarfissaqartoq pillugu (ilanngussaq 4).

Ulloq 17. juuni 2020 maalaaruteqartoq North Safari ApS-imut nalunaaruteqarpoq, qatanngutaa peqataasinnaajunnaartoq, aavarnissamullu maalaaruteqartoq angutaalu kisimik peqataasussanngortut (ilanngussaq 4).

Ulloq 18. juuni 2020 North Safari ApS-ip qatanngutaata peqataanissaralua atorunnaarsippaa akiligassarlu inunnut marlunnut iluarsillugu. North Safari ApS ilisimatitsiivoq, akiligassaq inaarutaasumik 4180 Euro-nik annertussuseqartoq (ilanngussaq 4).

Ulloq 27. juuni 2020 maalaaruteqartup aavarnissamut akiliutissap sinnera 4180 euro-nik naleqartoq akilerpaa (ilanngussaq 7).

Ulloq taanna North Safari ApS-ip akiliutissap sinnera akilerneqartoq tigusimallugu uppersarpaa (ilanngussaq 4).

Ulloq 6. agusti 2020 North Safari ApS maalaaruteqartumut nalunaaruteqarpoq, Covid-19 peqqutaalluni amerikamiusut innuttaasunut Kalaallit nunaannut angallannermut killilersuutit atorunnaarsinneqarsimassanngitsut. North Safari ApS siunnersuuteqarpoq, maalaaruteqartoq 2021-mi aavarnissamut nutaamik piffissamik nassaassasoq, ilisimatitsiissutigalugulu agusti aamma septembari 2021-mi piffissat suli inniminnerneqarsimanngitsut (ilanngussaq 4).

Ulloq 18. decembari 2020 maalaaruteqartup uppersarpaa, aavarnissamut piffissaq ulloq 27. septembari - 1. oktobari 2021-mut allanngortikkusullugu (ilanngussaq 4).

Ulloq taanna North Safari ApS-ip aavarnissamut piffissamik allanngineq uppersarpaa (ilanngussaq 4).

Ulloq 5. aggusti 2021 North Safari ApS maalaaruteqartumut ilisimatitsiivoq, aavartitsinissamut pilersaarusiaat 2021-moortut tamarmik Covid-19 peqqutaalluni unitsinneqarsimasut. North Safari ApS piffissanik nutaanik 2022-mi aavarnissamut siunnersuuteqarpoq (ilanngussaq 4).

Ulloq taanna maalaaruteqartup aavarnissamut akiliutigisimasami utertinneqarnissaannut noqqaassuteqarpoq (ilanngussaq 4).

Ulloq taanna North Safari ApS maalaaruteqartumut nalunaaruteqarpoq, aavarnissaq Covid-19 peqqutaalluni unitsinneqarsimasoq, maalaaruteqartorlu sillimmasiisarfigisaminut attaveqassasoq siunnersuutigineqarluni (ilanngussaq 4).

Ulloq 6. aggusti 2021 North Safari ApS maalaaruteqartumut nalunaaruteqarpoq, aningaasat akiliuutigineqarsimasut utertinneqarsinnaangitsut, kisianni piffissamik nutaamik aavarnissamut neqerooruteqarsinnaasut (ilanngussaq 4).

Ulloq 9. aggusti 2021 North Safari ApS maalaaruteqartumut 2022-mi aavarnissamut piffissanik periarfissaasunik ilisimatitsiivoq (ilanngussaq 4).

Ulloq 10. aggusti 2021 maalaaruteqartup uppersarpaa, aavarnissaq piffissamut ulloq 12. – 16. septembari 2022-mut nuutsikkusullugu (ilanngussaq 4).

Ulloq 12. aggusti 2021 North Safari ApS-ip 2022-mi aavarnissamut piffissaq nutaaq uppersarpaa (ilanngussaq 4).

Ulloq 13. septembari 2021 North Safari ApS maalaaruteqartumut nalunaaruteqarpoq, suliffeqarfiutertik matullugu, aavartitsinissamullu naammassinninnaanatik. North Safari ApS siunnersuivoq, maalaaruteqartup sillimmasiisarfimminut attaveqassasoq ilisimatitsiillunilu, maalaaruteqartoq sillimmasiisimangikkuni, taava North Safari ApS-ip aavarnissamut akiliutigineqarsimasup utertinneqarnissaanut misiliumaarluni (ilanngussaq 4).

Ulloq 20. juuli 2022 Atuisartoqarnermut Unammilleqatigiinnermullu Aqutsioqarfimmut maalaaruteqartoq sinnerlugu maalaaruteqarsimavutit (Ilanngussaq 1).

Ulloq 25. juuli 2022 Atuisartut Pisisartullu Maalaarutaannik Aalajangiisartut allatseqarfia North Safari ApS-imut maalaarummut oqaaseqaammik noqqaassuteqarluni nassiussivoq.

Ulloq 25. agusti 2022 North Safari ApS ilisimatitsiivoq, maalaaruteqartoq ulloq 4. juuni 2019-imi agusti 2020-mi aavarnissamut inniminniisimasoq. Covid-19 peqqutaalluni Kalaallit Nunaanni siammatsaaliuineq peqqutaalluni maalaaruteqartup 2020-mi aavarnissaq unitsissimavaa. Aavarnissaq 2021-mut nuutsinneqassasoq pillugu isumaqatigiissuteqartoqarpoq. Ulloq 5. agusti 2021 maalaaruteqartup Covid-19 peqqutaalluni siammaatsaaliuineq peqqissutsiminullu tunngasut peqqutigalugit 2021-mi aavarnissaq unitsippaa. North Safari ApS ilisimatitsiivoq, nittartakkaminni peqataasussat napparsimaneq imaluunniit atorunnaarsitsinissaq pillugu sillimmasiinissaannut piumasagaat takuneqarsinnaasoq. North Safari ApS akiliummik utertiilluni akiliinissamut piumasagaatit tamaasa itigartippai ilisimatitsiillunilu, tammajuitsussarsiniarluni piniartarnermut neqerooruteqartarneq unitsissimallugu (ilannngussaq 3).

Ulloq 5. oktobari 2022 Atuisartoqarnermut Unammilleqatigiinnermullu Aqutsisoqarfiup akissuteqaatit 25. aggutsimeersoq North Safari ApS-imut nassiuppaa.

Ulloq 14. oktobari 2022 maalaaruteqartup atsiornikuusaanik pisinnaatitsissummik nassiussivutit, tassani sinnerlugu illit maalaaruteqarnissamut pisinnaatitsissuteqalerlutit (bilag 5).

Ulloq 3. novembari 2022 North Safari ApS ilisimatitsiivoq, pisiniartoq aavarnissamut inniminniiguni, napparsimanermit utertinnermulluunniit sillimmasiinissaminut pisussaaffeqartoq, tamannalu aavarnissamut inniminniinermi ersarissumik takuneqarsinnaasoq. Ilisimatitsiippat, illit agusti 2021-mi aavarnissaq nutaaq ulloq 3. oktobari 2022-mut nuutsinneqartoq neqeroorfigineqarlutit, tamannali napparsimaneq peqqutaalluni itigartinneqarsimasoq (ilannngussaq 6). North Safari ApS

napparsimalluni aamma utertiinissamut sillimmasiinissamut
piumasaqaatimik uppersaataannik ilanngussilluni
nassiussaqaarsimangilaq.

Tunngavilersuut

Atuisartut Pisisartullu Maalaarutaannik Aalajangiisartut aallarniutitut
maluginiarpaa, pisoqaarsimaneranik uppersartumik aammalu
erseqqaarissumik nassuiaammik tunniussisimanerit tamatumalu kingorna
North Safari ApS-ip akissutissaqarfigisinnaasimangisaanik.

Aalajangiisartut taamaammat isumaqarput pisoqaarsimaneranut
nassuiaatitut aallaavigalugit suliami aalajangiisoqaarsinnaasoq.

Aalajangiisartut isumaqarput, North Safari ApS e-mail 9. agusti 2021-
meersumi maalaaruteqartumut aavarnissaq ulloq. juuni 2019-imi
pisiarinqarnikoq pillugu piffissamik allannguisinnaanermut
neqerooruteqaarsimasoq, tassa septembari 2022-mi
ingerlanneqaarsinnaassasoq tak. isumaqatigiissut pillugu inatsimmi § 1¹.
Aalajangiisartut tassunga atatillugu tunngaviliuppaat, neqeroorummi
oqaatsinik atuinermi aavarnissamut inniminniinerup
allanngortinneqarnissaanut neqeroorutitut paasineqassasoq.

Piumasaqaatitaqanngitsumik akuersinissamullu piffissamik
killiligaanngitsumik neqerooruteqartoqaarsimavoq. Neqeroorutip
tighuneraniit ulloq ataaseq qaangiuttoq akuerineqarpoq, tassani
maalaaruteqartoq ilisimatitsiimmat, aavarnissaq septembari 2022-mut
allanngortikkusullugu.

Aalajangiisartut isumaqarput, neqeroorut piffissaq eqqorlugu ulloq 10.
agusti 2021-mi akuerineqaarsimasoq, tak. isumaqatigiissutit pillugit
inatsimmi § 3, imm. 1, taamaasillunilu septembari 2022-mi aavarnissamut
pituttugaasumik isumaqatigiissusiortoqaarsimalluni.

Ulloq 13. septembari 2021 North Safari ApS aavarnissamut inniminniineq
nutaq atorunnaarsippaa, tassanilu tunngaliullugu, suliffeqarfiutertik

¹Aningaasaatit pigisallu nalillit pillugit isumaqatigiissutit pisassaqaataalersunillu
neriorsoqatigiinnerit, aamma kingusinnerusukkut inatsit nr. 242, 8. maaji 1917-imeersoq
aamma inatsit nr. 250, 12. juuni 1975-imi allannguuteqartoq

matullugu, taamaasillutillu aavartitsinissamut
inniminniissutigineqarnikunut naammassinnissinnaanani. North Safari
ApS maalaaruteqartumut nalunaaruteqarpoq, aavarnissamut
akiliutigineqartup utertinneqarnissaa misilissallugu.

Aalajangiisartut isumaqarput, North Safari ApS septembari 2022-mut
aavarnissamut inniminniinermut isumaqatigiissut sumiginnarsimagaa,
tassani North Safari ApS-ip aavarnissaq unitsiinnarmagu.

Aalajangiisartut isumaqarput, North Safari ApS-ip septembari 2022-mi
aavarnissamut inniminniineq pillugu isumaqatigiissut sumiginnarsimagaa,
taamaattumillu aavarnissamut akiliutigineqarnikup utertinnissaanut
taarsiinissamut akisussaasuulluni. Ilisimatitsiivutit, maalaaruteqartoq
aavarnissamut 7600 euro-nik akiliisimasoq. Maalaaruteqartoq tamanna
tunngavigalugu aavarnissamut akiliutigisimasani 7600 euro-nik
naleqartoq tamakkerlugu utertinnissaannut pisinnaatitaavoq.

Aalajangiisartut maluginiarpaat, North Safari ApS-ip pisisartup
"inniminnikkamik atorunnaarsitsinissamut" sillimmasiinissaq pillugu
piumasaqaataa'ersarinnanilu aamma sillimmasiinissamut
piumasaqaateqarnermut naammaginartumik allanneqarsimannginnera
aamma North safari Aps-ip nittartagaani atuutsitsiunnaarnermut
tunngasoq naammaginangitsaq. Piumasaqaatigineqartut
naammaginangitsutut isumaqatigiissullu pillugu inatsimmi § 36
naapertorlugu atuutsinneqarsinnaangitsutut nalilerneqarput.

Illit uppernarsarpat, North Safari ApS-ip ulloq 13. septembari 2022-mi
aavarnissaq unitsissimagaa, North Safari ApS-illu piffissami tassani
paasisutissat pisariaqartinneqartut annertussusiliinissamut
pisussaaffimminnullu tunngasut tamaasa paarisimallugit. Aalajangiisartut
taamaattumik isumaqarput, utertiilluni akiilinissaq ullumimiit ullut 30-it
qaangiuppata erniaqartinneqalissasut, tak. erniat pillugit inatsimmi § 3,
imm. 2 aamma 3.

Naammagittaalliuuteqarnissamut ilitsersuut:

Atuisartut Pisisartullu maalaarutaannik Aalajangiisarut aalajangiinera
allaffissornikkut oqartussaasunut allanut
naammagittaalliuutigisinnaangilaq, tak. tuniniaanissamik

nittarsaassisarneq aamma nalunaaqutsersuisarneq pillugu Inatsisartut
inatsisaat nr. 39, 9. decembari 2015-imeersumi § 35 imm. 2.

Inussiarnersumik inuulluaqqusillunga
Atuisartut Naammagitaalliornermut Ataatsimiisitaliaat

Kristina Nordby
Siulittaasoq

Ilanngussanik allattorsimaffik

Ilanngussaq 1: North Safari Outfitters (Engelsk) pillugu maalaarut

Ilanngussaq 2: Maalaaruteqartumit paasissutissat allat

Ilanngussaq 3: Saqqummiunneqartut pillugit allakkamut
maalaarutigineqartumit akissuteqaat

Ilanngussaq 4: E-mail-ikkut allakkat

Ilanngussaq 5: Maalaaruteqartumiit pisinnaatitsissut

Ilanngussaq 6: Maalaarutigineqartumit tusarniaanermiit akissut

Ilanngussaq 7: akiliinermut uppersaat